

SCRIPT OF MORNING GOJRI NEWS BULLETIN 10MAY 2025 1015HRS

ما رنینگ گو جری نیوز بلیٹن مورخہ 10 مئی 2025

یوہ آکا شوانی جموں ہے عبدالرحمان تیں خبر سُنو۔

DAY DRONE PAKISTANI

بھارتی فوج نے جموں غے نیڑے پاکستانی چوکیاں نانہہ تے دہشت گرداں گا لانچ پیڈ تباہ کردتا ہیں جتوں ٹیوب لانچ کی اجان آلا ڈرون چھوڑ یا جارہیا تھا بھارتی فوج نے دسیو ہے جے اج سویرے تقریباً ۵ بجے کئی دشمن مسلح ڈرون امرتسر غے خاصہ کینٹ علاقہ مانہہ پرواز کرتا وان دیکھیا گیا فضائی دفاعی یونٹاں نے فوراً ان ڈرونز نانہہ نشانو بنایو تے تباہ کردتو بھارتی فوج نے کہیو ہے جے پاکستان غے طرفوں بھارت غے سرحد ور ڈرون حملہ تے دوجا گولہ بارود گو استعمال ایک سنگیناشتعال انگیزی ہے انہاں نے مزید کہیو ہے بھارت غے خود مختاری غے خلاف ورزی تے شہریاں غے جان نانہہ خطرہ مانہہ کہلنو قبول ہے۔ اوں سرحدی حفاظتی دستاں یعنی بی ایس ایف نے دسیو ہے جے گزری رات نانہہ تقریباً ۹ بجے پاکستان نے جموں سیکٹر مانہہ بی ایس ایف غے چوکیاں ور بلا شتعال فائرنگ کی بی ایس ایف غے کہیو ہے جے پاکستان نانہہ مناسب جواب دتو جارہیو ہے تانجے پاکستان رینجران غے جارحیت غا نتیجہ مانہہ ہون آلا نقصان غو جواب دتو جاسکے بھارتیہ دفاعی افواج نے گزری رات پاکستان غے طرفوں بارہمولہ تیں لے غے پھج توڑی بین العوامی سرحد تے کنٹرول لائن 62 مقامات ور کیا گیا ڈرون حملان نانہہ ناکام بنایو یہ مشتبہ مسلح ڈرونز شہریاں تے فوجی اہداف واسطے ممکنہ خطرو تھو دفاعی زرع غے مطابق متاثرہ علاقان مانہہ بارہمولہ سرینگر آونتی پورہ نگر وٹہ جموں فیروز پور پٹھانکوٹ فاضلکا لال گڑھ جتا جیسلمیر باڑمیر پھج کوریت تے لکھی نالہ شامل ہیں۔

AIRPORTS CLOSURE

بھارتیہ ر پورٹ اتھارٹی یعنی اے اے ای نے اعلان کیو ہے جے شمالی تے مغربی بھارت مانہہ 32 ہواؤں 15 تاریخ توڑی تمام سول پروازان واسطے عارضی طورور بند رہیں گا متاثرہ ہواؤں آڈہ مانہہ امرتسر چندیگڑھ جموں سرینگر بھج جام نگر جیسلمیر پٹھانکوٹ تے دوجا شامل ہیں اس غے علاوہ دہلی تے ممبئی پرواز اع؛ اعایتی خطہ غے اندر ۵۲ رٹریفک سروس یعنی اے ٹی ایس رسناں نانہہ وی اس دوران بند کیو جے غو۔

PM MEETINGS

وزیر اعظم نریندر مودی نے کل نویں دلی مانہہ ایک اعلیٰ سطحی میٹنگ غے صدارت کی جس مانہہ فوج فضائیہ تے بحریہ غ اتر غے سروس سربراہان نے شرکت کی میٹنگ مانہہ بھارت پاکستان کشیدگی غا پس منظر مانہہ حفاظتی صورتحال غو جائیزو لیو گیو۔ اس موقع ور وزیر دفاع راج ناتھ سنگھ تے قومی سلامتی غے مشیر اجیت ڈوبال وی موجود تھا۔ اس تیں پہلاں وزیر دفاع راج ناتھ سنگھ نینویں دلی مانہہ ایک پور اعلیٰ سطحی میٹنگ غے صدارت کی جس مانہہ مغربی سرحد ور حفاظتی صورتحال تے بھارتی مسلح افواج غے اپریشنل تیاریاں غو جائیزو لیو گیو۔

LG MESSAGE

لیفٹیننٹ گورنر منوج سنہا نے واضع الطمانہہ کہیو ہے جے ہم نے دہشت گرداں نانہہ بے اثر کرن تے اگر کوئی دشمن کسے بھارتی شہری نانہہ نقصان پہچاوے تاں اس نانہہ ٹوند کٹن غو عزم کر رکھیو ہے انہاں نے یاہ گل بارہمولہ غا دورہ غے دوران کہی جت انہاں نے حفاظتی دستاں سنگ ملاقات کی انہاں نے فوجیاں غے بہادری نانہہ شہریو تے انہاں نانہہ قوم واسطے مشکل راہ قرار دتو انہاں نے امن نانہہ خوشحالی غے بنیاد قرار دیتا وان شہریاں نانہہ یقین دوايو جے وے محفوظ بتھاں مانہہ ہیں تے قوم غا تحفظ واسطے مسلح افواج غا عزم نانہہ سلام پیش کیو۔

CM MEETINGS

وزیر اعلیٰ عمر عبداللہ نے ایک اعلیٰ سطحی جائیزہ میٹنگ غے صدارت کی جس غو مقصد سرحدی ضلعان مانہہ جاری گولہ باری غے دوران امدادی اقدامات تے بچاؤ تدابیر غو جائیزو لینو تھو اس میٹنگ مانہہ اعلیٰ عہدے دار بشمول صوبائی کمشنر تے ڈپٹی کمشنراں نے شرکت کی میٹنگ غے دوران طبی تیاری ضروری سامان تے پناہ گاہاں غے سہولیات ور توجو مرکوز کی گئی وزیر اعلیٰ نے موثر عوامی روابطہ فوری ضروری اشیاء غے فراہمی تے حفاظتی نظام جیسا بیک اوٹ اقدامات ور عمل در آمد بارے زور دتو انہاں نے ہنگامی فنڈ غا استعمال غو جائیزو لیو تے متاثرہ علاقان مانہہ شہریاں غے حفاظت تے اُن غے بہتری نانہہ یقینی بنان واسطے فوری مربوط کاروائی ور زور دتو۔

ITOO DAR VISIT

وزیر اعلیٰ عمر عبداللہ غے ہدایت ور کابینہ وزراء سکینہ اتو تے جاوید ڈار نے سرحدی ضلع کپواڑہ غو دورو کیو تانجے سرحد پار تیں ہون آلی گولہ باری غے صورتحال غو جائیزو لیو جاسکے انہاں نے جی ڈی سی سوگام تے بیاجی ایس ایس کپواڑہ مانہہ پناہ گزیران سنگ ملاقات کی۔ وزراء نے عہدے داران نانہہ ہدایت دتی تمام بنیادی سہولیات نانہہ یقینی بنایو

جے تے متاثرہ شہریاں غی پلائی بہتری نانہہ ترجیح دتی جے اُنہاں نے ان مراکز غی مسلسل نگرانی تے متاثرہ افراد غی دیکھ بھال تے مدد واسطے مناسب عملو تیا نات کرن غی وی ہدایت کی۔
*****a*****

MEDIA ADVISORY

تمام زرّاع ابلاغ چینجز ڈیجیٹل پلیٹ فارمز تے افراد انہہ مشورو دتو گيو ہے جے وے دفاعی کارواياں تے حفاظتی فوج غی نقل و حرکت نانہہ برّاعے راست دسن تے اصل وقت یعنی کہ موقع ور ہی رپوٹنگ تیں گریز کریں ایسی حساس یا ڈرّاع ور مبنی معلومات غو انکشاف آپریشنل موثریت نانہہ نقصان پہنچا سکے تے جاناں نانہہ خطرہ مانہہ کھل سکے۔

FACT CHECK

پاکستان غی جارحیت غا جواب مانہہ بھارت گو سخت رد عمل سماجی زرّاع ابلاغ ور چوٹھی ویڈیو تے گمراہ کن معلومات پھیلان غی پاکستانی کوششاں نانہہ بے نقاب کردتو شہریاں نانہہ ہدایت کی گئی ہے جے تمام معلومات کی تصدیق کریں تے مشکوک مواد غی اطلاع پی۔ی بی فیکٹ چیک غا وٹس ایپ نمبر 8799711259 ور دیں یا میل ایڈریس socialmedia@pib.gov.in ور میل کریں تے باخبر ریں تے محفوظ رہیں۔

NEWS READ BY ABDUL REHMAN
EDITOR ABHILASHA SHARMA
TECH ASST PALLAVI
SKILLED RAJAT
DEO NUSRAT